

Көші-қон карточкаларын беру тәртібін бекіту туралы

Күшін жойған

Қазақстан Республикасының Ішкі істер министрлігінің 2003 жылғы 5 мамырдағы N 249, Қазақстан Республикасының Ұлттық Қауіпсіздік комитетінің 2003 жылғы 4 мамырдағы N 82, Қазақстан Республикасының Көлік және коммуникациялар министрлігінің 2003 жылғы 5 мамырдағы N 160 және Қазақстан Республикасының Кедендей бақылау агенттігінің 2003 жылғы 30 сәуірдегі N 177 бұйрығы. Қазақстан Республикасы Әділет министрлігінде 2003 жылғы 28 мамырда тіркелді. Тіркеу N 2328. Күші жойылды - Қазақстан Республикасы Ішкі істер министрінің 2013 жылғы 27 мамырдағы № 351, Қазақстан Республикасы Көлік және коммуникация министрінің 2013 жылғы 25 маусымдағы № 484, Қазақстан Республикасы Қаржы министрінің 2013 жылғы 14 маусымдағы № 274, Қазақстан Республикасы Ұлттық қауіпсіздік комитеті төрағасының 2013 жылғы 1 қазандағы № 471 бірлескен бұйрығымен

Ескерту. Күші жойылды - ҚР Ішкі істер министрінің 27.05.2013 № 351, ҚР Көлік және коммуникация министрінің 25.06.2013 № 484, ҚР Қаржы министрінің 14.06.2013 № 274, ҚР Ұлттық қауіпсіздік комитеті төрағасының 01.10.2013 № 471 бірлескен бұйрығымен.

"Көші-қон бақылауын күшайту жөніндегі кейбір шаралар туралы" Қазақстан Республикасы Үкіметінің 2003 жылғы 13 наурыздағы N 241 қаулысына сәйкес

бұйырамыз:

1. Қоса беріліп отырған Көші-қон карточкаларын беру тәртібі бекітілсін.
2. Қазақстан Республикасының Ішкі істер министрлігі көші-қон карточкаларына жыл сайынғы қажеттіліктің есептелуін, оларды әзірлеуді және Қазақстан Республикасының мемлекеттік шекарасы арқылы өткізу пункттерінің көші-қон карточкаларымен қамтамасыз етілуін іске асырын.
3. Қазақстан Республикасының мемлекеттік шекарасы арқылы өткізу пункттерінде шетелдік азаматтардың көші-қон карточкаларын ресімдеуді Ұлттық қауіпсіздік комитеті Шекара қызметінің әскери қызметшілері жүзеге асырады деп белгіленсін. Қазақстан Республикасының мемлекеттік шекарасының шекаралық бақылау бекеттері жоқ учаскелерінде шетелдік азаматтардың көші-қон карточкаларын ресімдеу жөніндегі функциялар Қазақстан Республикасы Кедендей бақылау агенттігінің қызметкерлеріне жүктелсін.
4. Халықаралық регистер жасайтын поездардың бригадалары, әуе және тәңіз кемелерінің экипаждары шетелдік азаматтарға мемлекеттік шекара арқылы

өткізу пункттеріне келіп жеткенге дейін көші-қон карточкаларының бланкілерін беруді қамтамасыз етсін.

5. Көші-қон карточкаларын ресімдеуді: халықаралық әуежайларда, "Ақтау" теңіз портында және көші-қон полициясы бөлімшелерінде - 2003 жылғы 1 маусымнан;

Қазақстан Республикасының мемлекеттік шекарасы арқылы өткізу пункттерінде 2003 жылғы 1 шілдеден бастау мерзімдері белгіленсін.

6. Осы бұйрықтың орындалуын бақылау Қазақстан Республикасының Ішкі істер вице-министрі полиция генерал-майоры И.И.Оттоға, Қазақстан Республикасының Көлік және коммуникациялар бірінші вице-министрі К.К. Жәкіпов, Қазақстан Республикасының Ұлттық қауіпсіздік комитеті төрағасының орынбасары - Шекара қызыметінің директоры генерал-лейтенант Б.С.Зәкиевке, Кедендейк бақылау агенттігі төрағасының бірінші орынбасары А.К.Ержановқа жүктелсін.

7. Қазақстан Республикасының Ішкі істер министрлігі осы бұйрықтың Қазақстан Республикасының Әділет министрлігінде мемлекеттік тіркелуін қамтамасыз етсін.

8. Осы бұйрық Қазақстан Республикасының Әділет министрлігінде мемлекеттік тіркелген күнінен бастап қолданысқа енгізіледі.

Қазақстан Республикасының
Ішкі істер министрі
генерал-полковник

Қазақстан Республикасы
Ұлттық қауіпсіздік
комитетінің төрағасы

Қазақстан Республикасының
Көлік және коммуникациялар
министрі

Қазақстан Республикасының
Кедендейк бақылау агенттігінің
төрағасы

Қазақстан Республикасы
Ішкі істер министрлігінің
2003 жылғы 5 мамырдағы N 249

Қазақстан Республикасы
Ұлттық қауіпсіздік комитетінің
2003 жылғы 4 мамырдағы N 82

Қазақстан Республикасы
Көлік және коммуникациялар

Көші-қон карточкаларын беру тәртібінің ережесі

1. Көші-қон карточкасы (1-қосымша) Қазақстан Республикасына келген шетелдік азамат немесе азаматтығы жоқ адам (бұдан әрі - шетелдіктер) туралы мәліметтерді құрайды және оның Қазақстан Республикасының аумағында уақытша болуын бақылау үшін қажет.

2. Көші-қон карточкасында шетелдіктің тегі, аты, болу мақсаты, қабылдаушы тарап, онымен бірге келген 16 жасқа толмаған балалардың саны көрсетіледі, Қазақстан Республикасына келуі, Қазақстан Республикасынан кетуі туралы белгілер, уақытша болатын жерінде тіркелгендігі туралы белгілер жасалады.

3. Көші-қон карточкалары:

паспорттары Қазақстан Республикасының Сыртқы істер министрлігінде және оның өкілдіктерінде тіркелетін адамдарға;

Қазақстан Республикасының визалары бар адамдарға;

әуе кемелері экипаждарының мүшелеріне;

теніз және өзен кемелері экипаждарының мүшелеріне;

поезд бригадаларының, оның ішінде рефрижератор, локомотив бригадаларының жұмыскерлеріне, теміржол көлігімен тасымалданатын жүктөрдегі еріп жүруші адамдарға;

Қазақстан Республикасының аумағы арқылы транзит бойынша өтетін поездардың жолаушыларына;

халықаралық тасымалдауды жүзеге асыратын автокөлік құралдарының жүргізушилеріне;

16 жасқа толмаған балаларға берілмейді.

4. Көші-қон карточкаларының бланкілерін беруді:

1) Қазақстан Республикасының мемлекеттік шекарасы арқылы өткізу пункттерінде - Ұлттық қауіпсіздік комитеті (бұдан әрі - ҰҚҚ) Шекара қызметінің әскери қызметшілері, ал шекаралық бақылау бекеттері жоқ жерлерде - кеден органдарының лауазымды адамдары (бұдан әрі - өткізу пунктінің лауазымды адамдары);

2) жол жүру кезінде:

әуе (теңіз) көлігімен жүрген кезде - әуе (теңіз) кемелері әкипаждарының мұшеле рі;

теміржол көлігімен жүрген кезде - поезд бригадаларының мүшелері; жалпы, жеке пайдаланудағы автомобиль көлігімен немесе жаяу жүрген кезде - мемлекеттік шекара арқылы өткізу пункттерінің лауазымды адамдары жүзеге асырады.

5. Шетелдіктерге көші-қон карточкасын беру, әдетте, тиісті үлгілік технологиялық сыйбалармен және нормалармен көзделген жолаушылар тасымалдау құралдары мен келушілердің өздерін бақылаудың барлық түрлерінің жалпы уақыт ұзактығынан көші-қон карточкасын толтыруға қажетті қосымша уақыт кетірмейтіндегі есеппен ертерек жүзеге асырылады.

6. Көші-қон карточкаларын дайындауды және жіберуді Қазақстан Республикасы Ішкі істер министрлігінің (бұдан әрі - Қазақстан Республикасының Ішкісмині) Тыл департаменті жүзеге асырады.

7. Қазақстан Республикасының Ішкісмині көші-қон карточкаларының бланкілерін Қазақстан Республикасы ҰҚҚ Шекара қызметінің, Кедендік бақылау агенттігінің, Көлік және коммуникациялар министрлігінің аумақтық бөлімшелеріне жеткізеді (2-қосымша), олар карточкалармен өткізу пункттерінің лауазымды адамдарын және поездар бригадаларының мүшелерін, әуе, теңіз кемелерінің әкипаждарын, тасымалдаушыларды қамтамасыз етеді.

8. Қазақстан Республикасына келетін шетелдіктерге көші-қон карточкаларын толтыру қажеттігі туралы дер кезінде ақпарат берудің, бланкілерді кедергісіз алу мүмкіндігінің қамтамасыз етілуі және шекаралық (кедендік) бақылауды өту алдында оларды толтыру үшін уақыт берілуі тиіс.

Қазақстан Республикасының Мемлекеттік шекарасы арқылы өткізу пункттерінің толтырғыштарында (залдарында) паспорттық бақылау жолағына дейін жолаушылардың көші-қон карточкаларын толтыруы үшін жазуға арналған орындар жабдықталады, онда көші-қон бланкілерінің қажетті санын еркін ала алатындей етіп қойылады.

9. Көші-қон карточкалары шекаралық немесе кедендік бақылау басталғанға дейін 3-қосымшаға сәйкес сиялы немесе шарикті автоқаламсаппен анық, шимайсыз және түзетулерсіз толтырылады. Көші-қон карточкаларын шетелдіктің паспортында немесе жеке басын куэландыратын өзге де құжаттарда көрсетілетін деректерге сәйкес латын алфавиті әріптерімен толтыруға болады.

10. Қазақстан Республикасына келу кезінде өткізу пунктінің лауазымды адамы ұсынылған көші-қон карточкасын паспорттағы деректермен салыстырады, жеке адамды сәйкестендіреді, келгендігі туралы белгі қояды, статистикалық талонды жыртып алады.

Келгендігі туралы белгіні "Келу" бағанына:

Шекара әскерлері әскери қызметшілері - датасы көрсетілген мөртабанды басу арқылы;

кеден органдарының лауазымды адамдары - шекарадан өткен датасын көрсетіп, жеке нөмірлік мөрімен растайды.

Көші-қон карточкасы шетелдікке беріледі, ал статистикалық талон өткізу пунктінің лауазымды адамында қалады.

11. Шекарадан өту туралы белгі жасау қарастырылмаған құжаттар бойынша Қазақстан Республикасының Мемлекеттік шекарасынан өтетін шетелдік азаматтарға шекарадан өту туралы белгі тек қана көші-қон карточкаларына қойылады. Басқа жағдайларда мұндай белгі паспортқа да, көші-қон карточкаларына да қойылады.

Кеден органдарының лауазымды адамдары шекарадан өткені туралы белгіні тек қана көші-қон карточкасына қояды.

12. Қазақстан Республикасында болу мерзімінен бес тәулік асқан жағдайда шетелдіктер тіркелу үшін өздері болатын жердегі ішкі істер органдарына баруы тиіс.

13. Тіркеуді ішкі істер органдарының лауазымды адамдары "Тіркеу" бағанын толтыру арқылы ресімдейді.

Белгіленген нысандағы журналда тіркелген шетелдіктерді тіркеу жүргізіледі. Журнал бойынша реттік нөмірі тіркеу нөмірі болып табылады.

"Тіркеуді ресімдеген орган" бағанында "ПББ (ПБ, АПБ)" және көші-қон полициясы бөлімшесінің визалық (паспорттық) мөрінің нөмірі (мысалы, ПББ-926 , АПБ 90-05) көрсетіледі.

Жазу анық жазылады, ал түзетулер енгізілген жағдайда, олар ескертіледі.

Тіркеу оны ресімдеген қызметкердің қолымен және көші-қон полициясы бөлімшесінің мөрімен куәландарылады.

Тіркеу шетелдік азамат бірінші өтініш жасаған жер бойынша ғана ресімделеді

14. Мемлекеттік шекара арқылы өткізу пункттерінде көші-қон карточкасын ресімдемеген шетелдік азаматтарға олар тіркеу кезінде беріледі. Егер, шетелдік көші-қон карточкасы болмай тіркеу мәселелері бойынша өтініш жасаған жағдайда ішкі істер органдары оны Қазақстан Республикасында занды түрде болуына тексеру жүргізеді, одан кейін шетелдікке көші-қон карточкасы беріледі және тіркеу ресімделеді. Бұл ретте, "Келу" бағанында көші-қон полициясы бөлімшесінің визалық (паспорттық) мөрі қойылады.

15. Оларға қатысты шығару туралы шешім қабылданған шетелдіктерге Қазақстан Республикасынан шығу үшін қажетті мерзімге тіркеу ресімделген көші-қон карточкасы беріледі. Бұл ретте "Келу" бағанында "Шығару" деп жазылады.

16. Келуі және болу орны бойынша тіркелгені туралы қойылған белгілері бар көші-қон карточкалары шетелдіктерде олардың Қазақстан Республикасында болу мерзімінің аяғына дейін болады және Қазақстан Республикасынан кету кезінде шекаралық (кедендік) бақылаудан өту кезінде өткізу пунктінің лауазымды адамына тапсырылады.

17. Көші-қон карточкаларын жоғалтқан немесе абайсызда бұлдірген кезде шетелдіктер ол туралы З жұмыс күні ішінде ішкі істер органдарына хабарлауға міндетті, олар өтініш берушілерді тексергеннен кейін көші-қон карточкаларының төлкүжаттары беріледі, оларда тіркелгендігі туралы белгі қойылады. Бұл ретте "Келу" бағанында көші-қон полициясы бөлімшесінің визалық (паспорттық) мөрі қойылады.

18. Егер шетелдік азамат Қазақстан Республикасынан кету кезінде шекаралық (кедендік) бақылаудан өтетін өткізу пунктіне көші-қон карточкасыныз келсе немесе көші-қон карточкасы белгіленген тәртіппен тіркелмеген болса, өткізу пунктінің лауазымды адамдары одан әрі тексеру және тиісті құжаттар ресімдеу үшін оны ішкі істер органдарына жібереді.

Тіркеу мерзімі өткен немесе тіркеуді қажет етпейтін мерзім шегінде көші-қон карточкаларыныз Қазақстан Республикасынан шығуға келген шетелдіктер паспортында шекарадан өткені туралы белгі бар болса, егер оларға байланысты емес дәлелді себептер бойынша (табиғи апаттар, метеожағдайлар, ауру, көліктің қалыпты жұмысының бұзылуы және тағы басқалар) шығуы кешіктірілсе, олар өткізу пункттері лауазымды адамдарының өкімі бойынша шекара арқылы жіберілуі мүмкін.

19. Қазақстан Республикасынан кету кезінде өткізу пунктінің лауазымды адамы ұсынылған көші-қон карточкасын паспорттың деректерімен салыстырады, жеке адамды сәйкестендіреді, шыққандығы туралы белгі жасайды, содан соң көші-қон карточкасы алынады.

20. Көші-қон карточкаларындағы шетелдіктер туралы мәліметтерді өткізу пункттерінің лауазымды адамдары мынадай тәртіппен:

"Бұркіт" бірынғай ақпараттық жүйесі (бұдан әрі - "Бұркіт" БАЖ) болған жағдайда - "Бұркіт" БАЖ арналары бойынша, ал ол болмаған және автоматтандырылған кеден ақпараттық жүйесі (бұдан әрі - АКАЖ) болған жағдайда - АКАЖ арналары бойынша көші-қон полициясы бөлімшелеріне береді

Откізу пункттерінде автоматтандырылған ақпараттық жүйе болмаған жағдайда көші-қон карточкалары мен статистикалық талондар (4-қосымша), сондай-ақ статистикалық есептер бағыныстырығына қарай шекара жасақтарына (кеден басқармаларына), олардан апта сайын ПББ-ПБ беріледі.

Лауазымды тұлғаның қолы

Шығу мақсаты

М/О

Паспорты _____ N _____ 20 ____ ж.
" " _____ берілді
Виза: _____ N _____ 20 ____ ж.
" " _____ дейін жорамды
Келуінің болжамды мерзімі 20 ____ ж.
" " 20 ____ ж. " " _____ дейін
Бару пункті _____ облысы
_____ елді-мекені

Қабылдаушы тарап

Көші-қон карточкаларын беру
тәртібінің ережеге

2 қосымша

Қазақстан Республикасы ПМ Тыл департаменті
көші-қон карточкалары бланкілерін мына мекен-жайлар
бойынша жібереді:

! Бөлімшелер атаулары

!

Мекен-жайы

- | | |
|-----------------------------------|------------------------------------------------------|
| 1. Астана (Қ.Р.ҰҚҚ-нің ШҚ) | Астана қаласы ә/б 2014 |
| 2. Алматы (Қ.Р.ҰҚҚ-нің ШҚ) | Алматы қаласы ә/б 2010 |
| 3. Солтүстік (Қ.Р.ҰҚҚ-нің ШҚ) | Қостанай қаласы ә/б 2039 |
| 4. Қостанай облысы бойынша КБ | Қостанай қаласы, Гоголь к, 183 |
| 5. Павлодар облысы бойынша КБ | Павлодар қаласы, Толстой к, 98 |
| 6. С-Қазақстан облысы бойынша КБ | Петропавл қаласы,
Бейбітшілік к, 120 |
| 7. Оңтүстік (Қ.Р.ҰҚҚ-нің ШҚ) | Сарыагаш қаласы ә/б 2024 |
| 8. О-Қазақстан облысы бойынша КБ | Шымкент қаласы,
Театральная к, 33 |
| 9. Жамбыл облысы бойынша КБ | Тараз қаласы, Төле би к, 81 |
| 10. Қызылорда облысы бойынша КБ | Қызылорда қаласы, Есенов к, 16 |
| 11. Шығыс (Қ.Р.ҰҚҚ-нің ШҚ) | Алматы қаласы ә/б 2040 |
| 12. Ш-Қазақстан облысы бойынша КБ | Өскемен қаласы,
Новаторлар к, 7/2 |
| 13. Алматы облысы бойынша КБ | Іле ауданы Өтеген батыр кенті,
Ленин көшесі, 11-а |
| 14. Батыс (Қ.Р.ҰҚҚ-нің ШҚ) | Ақтау қаласы ә/б 2015 |

15. Батыс Қазақстан облысы бойынша КБ	Орал қаласы, 2-Заводской тупик-6
16. Ақтөбе облысы бойынша КБ	Ақтөбе қаласы Н. Кобалдин к, 7
17. Атырау облысы бойынша КБ	Атырау қаласы Абай к, 8
18. Маңғыстау облысы бойынша КБ	Ақтау қаласы 3-Б ш-аудан, 13
19. ПМ Көші-қон полициясы	Астана қаласы Женіс д-ы, 65-а департаменті
20. Көлік және коммуникация	Астана қаласы Абай д-ы, 49 министрлігі

Ескерту: Кеден басқармалары көші-қон карточкаларын мемлекеттік шекара арқылы, шекара әскерлері орналаспаған тек қана жарияланған өткізу пункттеріне жібереді.

Қазақстан Республикасы Көлік және коммуникация министрлігінің және көші-қон полициясы бөлімшелерінің аумақтық бөлімшелеріне көші-қон карточкаларын жеткізуді орталықтағы органдар жүзеге асырады.

Көші-қон карточкаларын беру
тәртібінің ережеге
З қосымша

Көші-қон карточкаларын ресімдеу жөніндегі Жадынама

1. Шетел азаматтары мен азаматтығы жоқ адамдарға (әрі қарай шетелдіктер) олардың шекарадан өту кезінде шекара арқылы өткізу пункттерінің лауазымды адамдары, ал, поезд бригадалары, әуе және теніз, өзен кемелерінің экипаждарының мүшелері олар Қазақстан Республикасына кірген кезде оларды шекаралық (кедендік) бақылау пунктіне келгенге дейін көші-қон карточкаларын ресімдеуге қажетті уақытты есептей отырып алдын ала береді.

2. Көші-қон карточкалары тек қана билетінде Қазақстан аумағында орналасқан тұпкілікті баратын жері көрсетілген Албания, Армения, Әзербайжан, Беларусь, Грузия, Қырғызстан, Молдова, Монголия, Ресей, Тәжікстан, Түркия, Өзбекстан, Украина азаматтарына беріледі.

3. Қазақстан Республикасы аумағы арқылы өтетін, билеттерінде барып тоқтайтын жері Қазақстан Республикасы аумағынан тыс жердегі елді мекен көрсетілген өткінші жолаушы шетелдіктерге көші-қон карточкалары берілмейді.

Мысалы, егер Астрахань-Душанбе поезы арқылы жүруші шетелдіктің билетінде Астрахань-Хива немесе Астрахань-Душанбе деп көрсетілсе, оған карточка ресімдеудің қажеті жоқ.

4. Сондай-ақ, көші-қон карточкалары мыналарға:
 - 16-жасқа дейінгі балаларға;
 - дипломатиялық паспорты бар адамдарға;
- поезд бригадаларының, әуе және теңіз кемелері экипаждарының мүшелеріне берілмейді.

5. Карточка шарикті қаламсап немесе қаламұшпен талдап жазылып ресімделеді. Тегі және аты қатаң түрде төлкүжаты бойынша оны ресімдеген кезде қолданылған алфавитпен (латын немесе кириллица) жазылады. Араб графикасы немесе басқа графика қолданылмайды.

6. Көші-қон карточкасы шетелдіктің қалауы бойынша қазақ, орыс немесе ағылшын тілінде ресімделеді.

7. "Бару мақсаты" бағанында мына мақсаттардың біреуі көрсетіледі:
жекеше - қонаққа, жеке басының басқа да шаруасымен жүруі кезінде;
қызмет бабымен - іссапарға, басқа да іскерлік шаруамен жүруі кезінде;
жұмысқа - жасасқан шартқа сәйкес жұмыспен жүруі кезінде және Қазақстан Республикасы Еңбек және халықты әлеуметтік қорғау министрлігінің тиісті рұқсаты бар болған кезде;

окуға - Қазақстан Республикасы жоғарғы және арнайы орта оқу орындарының студенттері үшін, сондай-ақ сынақ мерзімінен өтуге немесе практика алуша;

емделуге - Қазақстан Республикасы медициналық мекемелерінде емделуге бара жатқан адамдар үшін;

туризм - туристер қатарында бара жатқан адамдар үшін;

8. "Қабылдаушы ел" бағанында қабылдаушы және тұлғаның тегі немесе қабылдаушы ұйымның атынан бой көрсетуші заңды тұлғаның аты-жөні, сондай-ақ ол тұратын облыс атауы (заңды тұлғаның тіркелу орыны) көрсетіледі.

Мысалы: Сұндетов А.И., Қызылорда облысы.;
"НҰР" АҚ, Астана қаласы.

9. "Бірге еріп жүруші балалар" бағанында шетелдікпен бірге келе жатқан 16-жасқа дейінгі жастағы балалардың саны жазылып көрсетіледі.

Мысалы: "үшеу".

10. Көші-қон карточкалары шекаралық (кедендей) бақылау кезінде төлкүжатпен бірге көрсетіледі. Көші-қон карточкалары шетелдіктің қолында Қазақстан Республикасынан шығып кеткенге дейін сақталады және ішкі істер органдары, шекара және кеден қызметкерлерінің талабы бойынша көрсетіледі.

11. Ишкі істер органдарында тіркелуі белгісін көші-қон полициясы қызметкерлері жүргізеді. Қазақстан Республикасында болу мерзімі 5 тәуліктен аспаған адамдарға ішкі істер органдарында төлкүжаттарын тіркеу міндепті емес.

12. Темір жол көлігімен жүруші жолаушыларға ыңғайлы болу үшін осы жаднама және көші-қон карточкаларын ресімдеу үлгісі вагон ішінде орналасқан стендта ілініп қоюы тиіс.

Көші-қон карточкаларын беру тәртібінің ережеге

4 қосымша

Статистикалық есеп

Н ! Қай елдің азаматы ! Келгені ! Кеткені !
Р / с ! ! !

Көші-қон карточкаларын беру тәртібінің ережеге

5 косымша

Көші-қон карточкалары мен олардың статистикалық талондарын жою

200_ ж. " __ " _____ қаласы
Біз, _____
лауазымы, атағы, тегі, аты-жөнінің бас әріптері
200_ ж. " __ " _____ және 200_ ж. " __ " _____ кезеңінде
Қазақстан Республикасының мемлекеттік шекарасынан өту кезінде
шетелдік азаматтар мен азаматтығы жоқ адамдар тапсырған саны
_____ дана көші-қон карточкалары мен саны _____ дана
олардың статистикалық талондарын жойдық.

Қойылған қолдар: